



22. Marts 2019

UPA 2019/205

Atassut

Aqqaluk Heilmann

Uunga siunnersuut: Inuit innarluutillit tapersorsornerneqarnissaannut Inatsisartut inatsisaat nr. xx, xx. xxx 2019-imeersoq

(Peqqissutsimut, Isumaginninnermut Inatsisinullu atuutsitsinermut Naalackersuisoq)

Inuit Innarluutillit pisinnaatitaaffii pillugit Naalagaaffiit Peqatigiit isumaqatigiissutaat inunnut innarluutilinnut tapersiisarneq pillugu Inatsisartut inatsisissaattut siunnersuummut pingaarnertut tunngavigitinneqartussat pillugit Naalackersuisut isumaannut tapersiinitta saniatigut ilassuteqarusuppugut Atassummiit.

Inuit timikkut, tarnimikkullu innarluuteqartut pillugit iliuuserisinnaasagut annertuumik nikingassuteqartuupput.

Inuit timikkut innarluuteqartut imminut angallassinnaasut kiisalu angallannikkut sakkunik soorlu qamutinik atungaqarlutik imminut angallassinnaasunut pisortat pigisaannut ingerlataannulluunniit kiisalu illoqarfinni nunaqarfimmiluunniit imminut angallassinnaanerannut ajornaatsumik atugassaqaarnissaat oqalisaavigineqarnissaallu annertuumik iliuuseqarfissaavoq.

Inuillu timimikkut annertuumik innarluuteqartut innorluuteqartullu ulloq unnuarlu sulisoqarnikkut pisariaqartitsisuusut nunattalu avataanut inissinneqartarsimasut pillugit periuseq, ilumut siunissami taama ingerlarusaaginnassanersugut ilanngullugu nalilersortariaqarparput.

Tassami siunissaq eqqarsaatigissagaanni meeqqani inunngorumaartartussani kialluunniit ilisimanngilaa qanoq innorluuteqarlutik takkukkumaartussat, taamaattoqartillugulu kommune-p atugassarititai kisimik isumalluutiginaqut uagut aamma iliuuseqataasinnaasariaqarpugut annertuumik innorluuteqartunik aallarussuineq allanngortissagutsigu.

Ullumikkut inulerinikkut ilinniarsimasut Sundhedshjælper-it, sundhedsassistent-it sygeplejerske-llu suli amerlatsikkiartorput, kommune-nilu aningaasartuutaasartut nunatta avataanut inissitat pillugit amma kisitsisaatigineqarput, uanili ima paasineqassanngilagut sipaarniartugut, ima paasineqassaagut, annertuumik innorluutilik ilaqtutami angajoqqaami qatanngutimilu nunaanniit peerneqanngikkaluarluni inooqataasinnaaneranut periarfissiisinnaasariaqarnerput sulissutigeqqittariaqarparput.

Atassummiit aamma isumaqarpugut, inuit tarnimikkut innarluuteqartut atungarisaasa naleqqussaqqinneqarsinnaanerit periarfissaasariaqartoq, naak oqartussaaffik kommune-p susassaqaqfiata iluaniikkaluartoq taamaattoq inatsisitigut ersarissumik sinaakkusiisinnaasariaqarpugut.



Assersuutigineqarsinnaavoq ulloq unnuarlu inuit tarnimikkut innarluuteqartut najungaqatigiiffianni najungartup akiliutigisartagai qaammammut, tassa kommune-p akigititai illuutiminut, ineeqqamut inuup innarluuteqartup sinittarfimminut akiliutaasa saniatigut nerisaqarneq ilanngullugu qaammammusiaminiit akilerneqaraagamik annikitsuinnarmik pisissutissaminnik sinneqarsinnaasernerat.

Saniatigut sulisinnaasarpud allatuulli sulisariaqaramik kisiannili tiimimut 15 kruuniinnarmik akeqartussaasarlutik, tassa inuit tarnimikkut innarluuteqartuunertik pissutigalugu taama akeqarlutik.

I tiimimut sulinerminni akiat ullutsinni sodavand-imulluunniit pisissutigissallugu amingarpoq.

Taamaattumik inuit timikkut innarluuteqartut atungarisaasa inuttullu ataqinassusaasa naleqassusaasallu pillugit annertusaanissamik oqalussagutta aamma inuit tarnimikkut innarluuteqartut ilanngullugit iliuuseqarsinnaanissarpud Atassummiit kaammattuutigivarpud.

Tusilartut taakkuli ilaquataat avatangiisaallu kiisalu pisortaqarfinni kiffartuussisut ilanngullugit pikkorissaasernerit suli annertusartariaqarpud.

Inoorluuteqarnikkut naqinnernik ilisarinnissinnaanikkut killeqartut inuttut inerikkiartornermi immikkut pisariaqarfatiqut ikiorsiissutaasinnaasunik periarfissaasinnaasunilu inerisaaqqittariaqarpugut.

Soorlu qamutininik motor-ilinnik ingerlatsisinnaanermut ilinniutit, nuutersornermut ilinniutit, allallu siunnersuutigineqarsinnaasut ilanngullugit ineriartuutaasinnaasullu pillugit pitsanngorsaasariaqarpugut sakkussanik.

Atassummiit ilanngullugu eqqaarusupparput, inuit innarluuteqartut aningaasatigut atungarisaasa qaammammut attartornermut kallerup inneranut kiassanermullu akiligassaminnik aningaasartuuteqartarnerat ilanngullugu nalilersoqqittariaqarigut, soorlu pisortat illuutaanniissimappata akigititaanut ikorfartuutaasinnaassuseqartumik inatsisitigut ersarissumik peqartariaqarnerput nalilersortariaqarparput.

Ilanngullugu innarluuteqartoq illumi najugaqateqarsimappat sulisartuusumik ukiumut aningaasatigut isaatitsisuusumik, taassuma aningaasarsiai niputinneqassanngimmata innarluutilimmut, aapparigaluarpagu meerarigaluarpagu angajoqqaarigaluarpaguluunniit..

Taamatulli meeqqat innarluuteqartut angerlarsimaffiminniittut qaammammusiaqarsinnaaneri eqqartortariaqarparput, tassani nalilersorneqarsinnaagami angajoqqaajusut pilersuisussaataitaasut sulisinnaanermikkut eqqorneqareertaramik piffissaq paarsinerminnut annertunerusoq atorneratigut.

Atassummiit siunnersuut taperserparput, ataatsimiititaliamullu ingerlateqqinneqarnissaanut innersuussutigivagut qulaani eqqaasagut.